

ADMINISTRACIÓN LOCAL

MUNICIPAL

ARTEIXO

Servizo de Augas

Aprobación padrón de taxas de auga e saneam. 2º trimestre 2022

ANUNCIO.- Publicación da Resolución número 2372/2022, relativa ao asunto “APROBACION PADRON DE TAXAS DE AUGA E SANEAM. 2ºTRIM.2022”

Por Resolución de data 6 de xullo de 2022, ditada pola concelleira delegada en materia de Economía e Facenda,Contratación,Turismo e Novas Tecnoloxías, Dna. Patricia Amado Varela, e con n.º 2372/2022, acordouse:

PRIMEIRO.- Prestar aprobación ao Padrón das taxas por prestación do servizo público de subministración de auga potable a domicilio e subministración de auga no Polígono Industrial de Sabón, servizo de saneamento municipal, depuración de augas residuais e repercusión do canon de auga da Xunta de Galicia, correspondentes ao **segundo trimestre de 2022**, no que constan 17.397 recibos por importe de **NOVECIENTOS CORENTA E SETE MIL NOVECIENTOS CORENTA E SETE EUROS CON CORENTA E TRES CÉNTIMOS DE EURO (947.947,43 €)**, segundo o seguinte detalle:

CCOCODCCO	CCONOMCCO	SumaDeLREIMPORT
30000	Auga - Taxa subministro	152.606,92 €
30001	Auga - Disponibilidade do servizo	175.093,65 €
30002	Auga - IVE 10%	32.769,96 €
30100	Sumidoiro - Taxa servizo	130.618,85 €
30101	Sumidoiro - Disponibilidade do servizo	59.681,52 €
35011	Canon da auga - Comp. fixo	49.293,91 €
35012	Canon da auga - Comp. variable	116.331,83 €
35013	Contador - Mantemento	23.745,68 €
35014	EDAR - Comp. fixo	23.968,49 €
35015	EDAR - Comp. variable	160.426,84 €
35016	EDAR - IVE 10%	18.442,18 €
35017	Contador - IVE 21%	4.967,60 €
		947.947,43 €

O importe total dos recibos divídese da seguinte maneira:

-Recibos domiciliados: 731.327,75 € (15.982 recibos).

-Recibos non domiciliados: 216.619,68 € (1.415 recibos).

SEGUNDO.- Expoñer ao público todos os datos incorporados ao Padrón que é obxecto de aprobación mediante edicto que se publicará no Boletín Oficial da Provincia de A Coruña, no taboleiro de anuncios do Concello de Arteixo e na web municipal. Esta exposición, por prazo de quince días dende a correspondente publicación no BOP, servirá de notificación colectiva a todos os contribuíntes, nos termos establecidos no artigo 102.3 da Lei 58/2003, do 17 de decembro, Xeral Tributaria.

TERCEIRO.- Fronte aos recibos incorporadas ao Padrón, os interesados poderán interpoñer RECURSO DE REPOSICIÓN ante a Alcaldía–Presidencia do Concello de Arteixo no prazo DUN MES, contado dende o día seguinte ao remate da exposición ao público do Padrón, segundo o disposto no artigo 14.2 do Real Decreto Legislativo 2/2004, do 5 de marzo, polo que se aproba o texto refundido da Lei Reguladora das Facendas Locais e na Resolución núm. 1923/2022 ditada o 31 de maio de 2022.

A interposición do recurso non suspende a eficacia das liquidacións correspondentes, agás que se solicite a suspensión e se achegue garantía suficiente nos termos establecidos no apartado i) do precepto anteriormente mencionado.

O Recurso entenderase desestimado se non se resolve expresamente no prazo de un mes dende a súa interposición. Contra a desestimación do recurso poderase interpoñer RECURSO CONTENCIOSO-ADMINISTRATIVO ante o Xulgado do Contencioso-Administrativo de A Coruña, no prazo de dous meses contados dende a notificación da resolución, ou de seis meses dende que se produza a desestimación presunta, tal como establece o artigo 46.1 da Lei 29/1998, do 13 de xullo, Reguladora da Xurisdición Contencioso-Administrativa. Tamén se poderá interpoñer calquera outro recurso que se estime conveniente.

CUARTO.- O prazo de pagamento en período voluntario será dende o **11 de xullo de 2022 a 14 de setembro de 2022**. Para o cobramento dos citados tributos se remitirá ao enderezo dos suxeitos pasivos un recibo co obxecto de que o seu importe sexa ingresado, no prazo voluntario indicado.

As formas de pago son as seguintes:

1.- Nas oficinas do Servizo Municipal de Augas con CITA PREVIA, sitas na Trv. De Arteixo nº 249- 2ª Planta:

Con tarxeta bancaria: DE LUNS A VENRES en horario de 9:00 a 14:00 horas.

2.- Na ventanilla das entidades bancarias colaboradoras nos días e horarios que teñan habilitados a tal fin, e tamén a través da súa rede de caixeiros ou mediante a banca electrónica das mesmas.

3.- Na páxina web do Concello de Arteixo (www.arteixeiro.org), pinchando en “Pagos on line” (ABANCA).

Para os contribuíntes que teñan domiciliado o pagamento nunha entidade financeira os recibos seranlles cargados na conta por eles indicada o vindeiro **18 de xullo de 2022**.

As persoas que non reciban ou extravíen os recibos mencionados poderán solicitar un duplicado nas OFICINAS DO SERVIZO MUNICIPAL DE AUGAS CON CITA PREVIA, sitas na Travesía de Arteixo núm. 249, 2ª planta ou por medio de correo electrónico a augas@arteixo.org, antes do remate do prazo indicado, dado que a falta de recepción non exonera da obriga de pagamento nin impide a utilización da vía de constrinximento. Asemade, poderán interpoñer as reclamacións que estimen pertinentes ou solicitar canta información precisen en horario 9:00 a 14:00 horas, de luns a venres.

Advérteselles de que transcorrido o prazo de ingreso, as débedas serán esixidas polo procedemento de constrinximento, logo de devengar o recargo de prema, xuros de mora e, no seu caso, as custas que se produzan.

No que atinxe ao Canon da Auga, segundo establece o art. 49.7 do Decreto 136/2012, de 31 de maio, polo que se aproba o Regulamento do canon da auga e do coeficiente de vertido a sistemas públicos de depuración de augas residuais, é de indicar que a falta de pagamento no período voluntario suporá a súa esixencia directa ao suxeito pasivo, por parte da Consellería competente en materia de facenda da Xunta de Galicia pola vía de constrinximento. Asemade, sinalar que a repercusión do Canon da Auga poderá ser obxecto de reclamación económico-administrativa ante o órgano económico-administrativo da Comunidade Autónoma de Galicia no prazo de un mes dende que se entenda producida a notificación.

QUINTO.- Dar traslado da Resolución aos departamentos de Tesourería e de Intervención, aos efectos oportunos.

SEXTO.- Dar conta á Xunta de Goberno Local na próxima sesión que se celebre.

En Arteixo, a 7 de xullo de 2022.

Asinado dixitalmente: Patricia Amado Varela (concelleira delegada en materia de Economía e Facenda, Contratación, Turismo e Novas Tecnoloxías).

2022/4207